

廣文書局印行

小方壺齋

輿地叢鈔

(四八)

粵遊錄

丹徒戴燮元著

同治六年秋家君守瓊州七年春余應禮部試報罷七月既得捻匪肅清之信遂乞假送親八月壬申同惠元弟奉家母發○京師上船於通州曹劍湖妹聲以其姊嫂及吾妹還揚州遂偕甲戌去通州九月丙子次天津隨堂叔來別遂循潞入運丁亥至德州甲午次臨清州以聞河水涸舟不通止行劍湖與鏡橋兄如東昌見陶贊臣刺史假臨清志讀七月乙巳劍湖自東昌以車近何星垣先行丁未登陸大風止梁家淺戊申次東昌己酉登光嶽樓庚戌微雪辛亥陸行至李連橋登舟李連橋者黃河支流也距張秋鎮近以兵差故船避於是鏡橋先在焉明日遂行丙辰夜寒甚多流冰戊午出沈家口至蔣家莊水淺甚己未易小舸至十里鋪庚申宿戴家廟戴廟東阿周鄰仙故侯殉節處詩以弔之辛酉出黃入運水溜甚激泊安山聞癸亥至南旺下聞復乘原舟甲子過分水龍王廟登來汶樓乙丑至濟甯假楊總戎轍舟送渡湖丁卯登太白樓訪古南池己巳出湖辛未至韓莊十一月丁丑至楊莊余如清江浦浦上新築城戊寅如西壩見煥章兄辛巳至淮安過古枚里泊淮西門丙戌至揚州以天寒止行居南河下癸卯余如鎮江十二月丙午下鄉埽歷代先人墓己酉如金陵戊午回揚州八年正月朔癸酉在揚州二月甲辰登舟丁未去揚州三伯送於河干宿瓜洲戊申阻風己酉假紅船濟大江過焦山風利不得泊晚宿丹陽辛亥至無錫壬子風雨駕小艇遊惠泉山品第二泉沽酒歸舟飲甲寅至蘇州丙辰遊山塘虎邱辛酉至杭州止七叔寓齋見六叔幹廷叔與諸昆弟晤癸亥登吳山乙丑遊西湖登湖心亭謁岳王祠登孤山放鶴亭飲林公祠林公祠者署錢塘尉閩人林汝霖殉粵匪之難藁葬孤山邑人祠祀之故名丁卯再遊西湖仍飲林公祠循湖濟謁蘇白二公祠己巳遊金雅莊花木繁盛池水尤活癸酉詣天竺山飯靈隱寺眺飛來峰登冷泉亭觀一綫天三月丙子去杭州以仲華弟行劍湖送於江潯別余北歸丁丑至富陽穎孫弟來見

戊寅己卯風雨山水陡漲逆濤至桐廬辛巳入七里瀧過嚴子陵釣臺至嚴州乙酉至衢州丁亥次常山
 己丑度嶺至玉山壬辰至廣信癸巳至河口鎮易船己亥至瑞洪四月朔癸卯出彭蠡湖中流風作止於
 湖汊詰朝始渡乙巳至南昌丙午遊百花洲有亭數座水繞四圍桃柳森列荷葉田田謁張江三公祠三
 公者張文節弔江忠毅忠源江壯恪忠義以守南昌破粵寇功故祠祀之戊申至豐城江水漲舟子泗水
 引纜行癸丑至峽江城門沒於水行人跨城往還乙卯至吉水余小疾丁丑愈戊午泊萬安庚申辛酉壬
 戌過九瀧十八灘甲子次贛州得家君守廣州信辛未至南安五月朔壬申雨癸酉上大庾嶺晚至南雄
 丙子至韶州戊寅過潁江峽庚辰至清遠辛巳至三水壬午次佛山癸未至廣州自○京師至廣州驛道
 出皖江江右七千五百七十里出蘇杭衢信七千七百二十里日通州至天津曰潞河自天津至楊莊曰
 運河由漳衛濟汶以達於湖自楊莊至揚州曰淮河以達於江自丹陽至杭皆渠河水無洪流自杭州至
 常山曰嚴江卽古所謂富春江自常山至玉山八十里陸道曰玉山嶺自玉山至瑞洪曰溪河以達於彭
 蠡湖出湖至南昌乃江湖交匯處自南昌至南安曰漳江自南安至南雄一百二十里陸道曰大庾嶺自
 南雄至廣州曰潁江出韶州曰韶江今廣州之人又曰北江

北轅錄

丹徒戴燮元著

同治九年冬十月家君既謝廣州已酉余偕龔仲堅發自廣州泊花埭遊翠林園大通寺煙雨井煙雨樓
往杏林莊登藏春樓庚戌至佛山壬子至三水乙卯至清遠丁巳過峽江遊飛來寺飛泉亭帶玉堂晚大
風山水爭鳴駭人心耳庚申過湏陽峽壬戌過觀音巖閏十月丁卯至韶州過風度樓風采樓戊辰泊津
頭謁盧太傅祠祠祀唐節度使光綢辛未至始興江口水淺甚甲戌改陸至南雄州乙亥登古太平橋望
月丙子過山謁張文獻公祠登補青亭至南安己卯去南安癸未至贛州甲申下白澗灘鼉灘至天砭灘
舟觸石隙水敗宿高坑勝廟丙戌使人至贛州買舟來即行下天往灘大烏洲九腳灘天子地石人壩攸
鎮錫洲銅盤宿良口丁亥下涼灘黃金洲五座灘匡風灘武索小溜灘大溜灘棉繩閣慄慄灘至萬安縣
九瀧十八灘以天砭九腳匡風等處爲最險文信國詩云惶恐灘前說惶恐信然庚寅至吉安十一月朔
壬辰日長至至峽江癸巳雪甲午至樟樹鎮遠山多積雪乙未余疾丙申至南昌疾又加丁酉移客館召
醫察脈吳筠軒繆正庭觀察潘梅溪小溪先後來視庚戌疾漸瘳壬子去南昌癸丑至建昌疾又作甲寅
興中觀廬山瀑布丁巳至九江宿洋樓己未登氣拉渡輪船至湖口易山西輪船庚申大霧晚至大同夜
行辛巳晨過金陵午至鎮江易舟晚泊瓜洲壬戌次揚州假館於劍湖以醫疾明日仲堅別余歸大橋十
二月辛巳疾愈居丁家灣十年春正月朔壬辰余在揚州二月癸酉如鎮江丙子遊焦山宿松寥閣京口
三山夙擅形勝兵燹後焦山獨完風景流連三日乃去三月癸巳家君還揚州四月丙寅北行與劍湖龔
鏞九陳椿伯偕丁卯至邵伯毛墨昀偕己巳過淮陰釣臺次清江浦以耀堂弟行庚午如西壩尋煥章兄
不遇辛未至王營買車詰朝遂行丙子過沂州沂州北門外有石碑三一曰漢諸葛武侯故里一曰晉孝
子王祥故里一曰晉右軍將軍王羲之故里丁丑入山己卯宿羊流店謁羊叔子祠庚辰至泰安遊玉皇
卜方壺齋題也後步

閣上泰山天門孔子登臨處謁斗母宮王母祠入南門瞻嶽廟秦松漢柏巋然猶存辛巳過二疏故里壬午至開山毛子入都龔陳至陵別余先行是日次濟南見岳丈主於錢笠湖內弟甲申余小疾飲藥丁亥愈己丑遊大明湖謁鐵公祠南山葱翠可愛飲古歷亭五月癸巳再遊大明湖仍飲古歷亭荷花半吐菱葦參差追念舊遊如昨日事戊戌去濟南躍堂留濟上是日齊河渡黃雨後滑澁甚己亥過平原君相士處庚子次陵與星橋兄樹人弟晤觀顏魯公東方畫贊碑壬寅謁顏魯公祠賦詩泐石癸卯訪看花臺平原君墓甲辰去陵至德州見蝗晚日食丙午至河間丁未過任邱度十二連橋宿雄縣戊申至固安己酉渡永定河雨雹庚戌至○京師廣州在○京師東南去○京師遠由廣州至南雄度大庾嶺而北至南昌今與昔同由南昌取陸道至九江由九江登輪舟泝長江至鎮江今與昔異由鎮江揚州至清江浦今與昔同由清江浦至王營取山道至濟南陵縣而達於○京師今與昔又異

粵遊小志

江都張心泰著

粵東氣候與吾鄉迥異西省近湖南者稍稍同焉西省風安多風按地勢由湖南之興安上數百灘由興安之梧州下數百灘志乘稱桂林視長沙番禺在千丈之上高而多風理固然也風起時拔木飛瓦晝夜不息諺云興安風是也東省瀕海亦多風正二三四月發者爲颶五六七八九月發者爲飈字書無颶字土俗卽台音而加風字耳颶甚於颶而颶急於颶習海道者設爲占候法或按節序或辨雲物舟行大洋颶可支颶不可支蓋颶散而颶聚也而氣候之寒暖則視雨爲率靈川苦霖雨自春徂冬十僅一霽雖酷暑雨後亦寒眞所謂四時是夏一雨成冬矣東省廣惠潮秋少雨春夏亦霖雨不止故多潮溼溼重多生白蟻凡物皆食雖金銀至堅亦食凡金銀被食收白蟻煎之可復爲金銀金銀之性不變也性不變故質亦不變亦奇矣志稱嶺南屋柱多爲蟲蠹入夜則齧聲刮通宵攪人眠書籍蟬蛀尤甚故其地無百年之室無五十年之書詢不誣也兩粵惟桂林歲歲尙得雪若東省則多不知雪爲何物志稱雪至嚴關輒止大盛則度桂林城下不復南矣故草木至冬不凋甚有茂盛如吾鄉春夏光景五穀無味百花不香以其氣泄而鮮專凝至有花無香榮無味之諺且其花木多不應候而生梨花帶雨當在春時粵東八九月始開按唐武后時九月出梨花一枝羣以爲異粵則不爲異也舉一可概其餘廣州以荔支龍眼爲果歲夏至日賈人以板箱載荔支而北曰果箱荔支大熟曰果日洛陽以牡丹爲花歲二月十五日牡丹盛開曰花朝果日花朝可稱絕對西省南太迥等府東省海南均多瘴又氣候之變者有青草黃梅諸名目受之至重者有冷瘴熱瘴癰瘴之分余隨宦之所幸非煙瘴之區聞友人至泗城來者云鼻間忽聞有香氣卽瘴也人至午時始敢出行受瘴者十八九不生誠可畏也

象郡城東三里有七星山虞衡志云七峰位置如北斗者也下有巖洞七榜曰七星巖遊巖者必土人導

之從棲霞寺後破壁入初甚小如行曲巷上有一綫光射出土人目曰一綫天抵山腰蹊路紆曲南折數十步向東行豁然開朗循石級而下曰大洞方圓數丈高倍之下平如砥上拱如臺四壁透明曰第一洞天有古銘字漫漶不甚可辨中空懸金魚一長約八許鱗甲欲動色間黃紫左壁一龍盤旋蜿蜒曰黃龍戲水右壁一鳳振翼若翔曰丹鳳朝陽皆石筍生成越數武曰第二洞天昏如日將夕舉火乃得見中蹲一猴高如人捧二桃作獻客狀洞之中又歧出一洞父老傳言昔有誤入此洞者火燼途迷捫壁涉水飢飲石乳越二日竟由鬪雞灘下跳水出自後人不取入再向東行亦不辨路遠近黯如雲掩星月然火入見旁立石人狀如荷笠曰漁翁撒網左手挈網右手若示人迷津者越數武地漸高曰摩天嶺下有深潭曰·海海中髣髴石影八日八仙飄海導者發火彈舉照潭水鬚眉畢張有聲殷殷若嘯又數武曰迎仙橋又數武曰方城曰布篷橋橫亘背城列女牆篷頂平兩色白皆宛肖鍾乳流溢時作雨後滴瀝聲少焉見洞口光曰東方既白迺出以上所稱皆仍土人舊洞外日麗風和桃李數千樹奇花初胎生氣遠出東坡詩曰武陵豈必皆神仙是邪非邪桂林山水多奇特石湖謂可紀者三千餘所惜余幼未能徧僅茲遊而又茫不記憶童君春塢述其舊遊如余因記之如此

陽朔諸峰如筍出地各不相倚三峰九巖析城天柱者數十里如樓通天如闕刺霄如修竿如高旗如人怒如馬嘯如陣將合如戰將潰桂江荔水交織其下蛇龜猿鶴騰踊萬態庚午冬家人由靈邑調署賀縣泰隨侍舟過其地目極諸山合之志乘所稱看山如覓孟萬年君自求之眉睫間是邪非邪真見所未見矣最奇者南北岸有陰陽二山對峙形酷肖俗所謂公母二山也天欲雨時昏雲沈霧中恍作交合狀舟遠泊不敢過其下昔有牧童戲將小石塞母山之洞陽朔女子皆小便不通噫此亦天地氤氲之氣矣賀縣東南十里有浮山遠望之如玉印卓水中又名玉印山辛未夏家大人攜賓客及泰遊焉上有浮山

寺志稱宋建祀陳王屋三楹後有小亭偶憩其中諸山畢覽無一遁者信哉登臨不得要萬象各偃蹇此亭可謂著得穩云

越秀山爲東省主山亦名越王山通典南海有玉山卽王字之僞上有越王臺故址昔趙佗因山爲之昌黎詩樂奏武王臺是也南漢主劉龔疊石爲道名曰呼鑾折而北爲歌舞岡卽尉佗三月登高處一名越井岡前有古井亦佗時鑿南漢主嘗飲之號玉龍泉宋丁伯桂覆以石開九竅因名九眼井山在城內正北聳拔二十餘丈遊者歷數十武始登焉回見人海萬家陽開陰闔蔚然深秀中有雄渾氣真大觀也山巔有觀音閣明永樂初都指揮花英建俗又稱觀音山丁丑春家大人簡放高州來廣余得一遊後隨侍之高舟過肇慶見諸山奇特與西省陽朔相似有所謂頂湖者去肇郡四十里從羚羊峽望之紫翠滴漣隱隱帆際欲遊未果出肇慶三十里外有山名茶托岡絕頂現父母二字四圍樹木叢雜而字畫開朗相離尋尺中寸草不生亦一奇也觀山爲高州名勝地遊者出西門半里許渡鑑江乃得至山不甚高盤辟上可數十武亭閣荒蕪寺宇剝落惟道左竹數竿清陰矯厲谷氣寒人再上得二松磊砢疏放作兀傲態山麓爲晉潘仙修鍊所井竈尙存寺旁新祀許觀察道身像最肖許公觀察高廉多惠政故居人塑像祀焉公與家大人舊相識泰不禁低徊久之戊寅夏隨任之惠得遊白鶴峰惠州府縣各一城白鶴峰依縣城下臨東江與豐湖諸山對峙宋學士蘇軾故宅在焉學士上梁文所謂鵝城萬室錯居二水之間鶴觀一峰獨立千巖之上是也中有愚無邪齋德有鄰堂諸石刻泰均得拓本惟至惠不得遊羅浮四百芙蓉失之咫尺豈非憾事

潮附郭名山三韓山西瀾山均在城外惟金山在城內高逾四十丈周圍三里形如覆釜爲郡城後展以舊爲金氏居得名見輿地紀勝山巔舊有西瞻鳳凰一覽亭及靈石仙遊諸洞今俱廢山腰新建金山

書院前爲巖瞻臺臺上有伏虎石明總兵官俞大猷爲之銘銘十六字臺下有石刻拙窩二字舊傳朱晦翁書其拙賦六十五字則濂溪周子作晦翁弟子廖槎溪先生宋慶元間刻也近歲方照軒鎮軍重修金山建廳屋數楹極宏敞惜古碑石多毀滅余遊金山僅拓得宋碑一在書院前尙不能全拙賦已爲短垣壓壞垣下露字僅一二模糊不可辨他若常袞之題初陽頂韓昌黎之題名更渺不可得韓山得名以昌黎在城東遊山者出東門過湘子橋卽至山三峰類筆架又名筆架山後人建祠其上祀昌黎祠左有侍郎亭亭左有宋丞相陸忠正祠侍郎之名羣指爲丞相也舊有韓山書院志稱久廢今書院在山麓每年循例延院長講業名韓山書院西湖山在城西出安定門轉而少北舊名銀山山之下爲西湖元許霽云古放生池也山高約五十餘丈周圍十里循紫竹庵而上舊有觀稼亭今廢所存廟宇多朽敗惟待月乘風二亭可眺遠待月在乘風下亭上有懸石曰古瀛洞天傳茲山爲仙人所居故多靈蹟石洞可容數十人中祀老君曰老君巖洞口沿流北折二三百武有仙蹤石石上雙足蹟若重足立臨水而釣者然又西北折之山上二百武有仙人下碁石碁盤井井碁子蹟壘壘山外有城康熙十七年建高一丈寬六尺廣五百一十五丈湖山俯瞰郡城惟隔一濠此城當西北險隘與金山輔車相依雍正七年重修後廢咸豐甲寅土匪吳忠恕犯順當事又築而新之詳・所爲記碑在水仙門右泰辛巳隨任之潮僅遊金山韓山二處癸未復由糧道侍任惠潮於重九日隨家大人始遊西湖山然亦僅至老君洞止後訪南漢拓路記始得盡遊云

兩粵水道分兩大支一曰西江一曰東江西江又分而三爲離爲左爲右右江卽黔水至潯而匯左爲一而右江之名隱左江卽鬱水至梧而匯離爲一而左江之名亦隱惟曰西江西江在西粵爲三在東粵爲一其與湖南水匯者考水經注云離水與湘水同出海陽山而分源湘離之間陸地廣百餘步謂之始安

嶠亦曰越城嶠蓋五嶺之一也又其地臨湘離二水之源亦謂之臨源嶺又謂之全義嶺以興安縣本名全義也志云離水上流謂之靈渠自新安縣而南有斗門三十六上下六十里斗陡也俗名陡河最奇者興安地勢高城北十里有分水渠渠中央有泉從地湧出兩頭分流若天平俗所謂天平水也試浮竹片十大約六東北流四東南流北流由全州下湘江達淮海南流由陡河下大榕江達梧州屢試必驗信北流之強於南流爲六與四之分也渠上有分水龍王廟歷朝封勅神甚靈顯大榕江在興安縣西五十里志載其源出全州西延司界與離水匯亦名大融江余由桂林至全州過此岸南北皆榕樹蔭十數畝倒臥交柯於江上若長虹然船往來其下蜿蜒天矯丹青家不能狀也由桂林而上皆離江至平樂縣有樂水來會樂水由恭城縣繞平樂城與離水合平樂東南六十里有榕津通志云榕津渡在榕津埠卽指此水如帶縈繞村墟沿溪榕數百樹枝幹離奇碧蔭清波如畫津闊五六丈許又古榕兩柯不知歷幾百歲勢若蟠龍隔岸連理糾結津上密葉圓覆中洞如城門上橫亘如橋可人渡較大榕江之榕九天矯欲飛矣賀水源出富川縣地名石龍冷溪巖分兩派一自龍山背北至道州復西入於昭東流爲賀江卽九城志所載龍溪水也互郡城合桂嶺水至三江口三江謂賀江梧江封江南歷封康達羊城入海賀縣東門外爲明宏治中權稅所嘉靖二十六年署知縣朱鯨造船二十四繫鐵索爲河橋隆慶五年知縣陳試修○國朝康熙九年知縣何標雍正三年知縣黃爲漢俱重修設橋夫四今設稅廠於其地號曰橋稅賀水由梧江下東省肇慶均爲西江有大湘小湘羚羊三峽羚羊較長距肇慶郡東三十里首東西江之水故水勢急風則舟無以泊由羚羊峽上勢稍緩至陽春水竭故抵高州必舍舟而陸鑑江源出鑑山與寶江合潔繞郡後至化州出吳川限門入海與西江水無涉由羚羊峽而下至省垣所謂歷封康達羊城以入海者也此西江之大略余所親歷者也東江發源於惠州龍川之北經河源博羅東莞增城至扶胥黃木

灣入於海珠江在城南五羊驛前有石排湧出海中雪浪銀濤一珠突起即海珠石也受靈洲之水合鬱水之流自石門東南匯於白鵝潭過城下東趨虎頭門達於海珠江南岸有大洲周迴五六十里江水四環名河南非謂珠江之南也漢章帝時議郎楊孚居此南榮溫暖長年無雪孚常移洛陽松柏種宅前隆冬葦雪盈樹人異之目所居曰河南蓋擬以洛陽之河南也由珠江而下過博羅至惠州府城東有合江門上有樓名合江樓宋東坡先生嘗寓此所謂二江合處樓閣也合江樓與西省與安分水渠遙遙相對此東江之大略亦余所親歷者也而西詳於東亦就所歷言之爾

西湖在東省者三惠一潮一雷一雷則余未之遊潮本古放生池宋嘉泰來之樓臺亭樹不可得見無可記者東之西湖迴環十里溪橋合沓亭翠交映以較杭之西湖彼濃淡都宜此則總宜淡妝也郡城東北面江西南臨湖遊者傍城鼓櫓至水心有葦然亭八九尺蔭老樹數株四圍水中石墩四坐其上外湖雲樹如畫歷歷在目放櫓北行數十武有洲約數畝木棉叢蒼望之如火方顯軒軍門即其地建一亭亭二層可眺遠榜曰紅棉水樹舟折而南水浸小登陸有六如亭即東坡葬朝雲處中有伊墨卿先生碑記亭側有樓禪寺東坡悼朝雲詩已稱之八九百年矣殆靈然其名屢廢而屢修者歟再南數武有準提閣閣二層高與水樹等隔水有豐山山有寺曰水福地極宏敞簾曰鑑湖因光有鑑思故名士人所謂裏湖也舟出裏湖向東行寺宇林立有所謂古明月灣漱玉灘元妙觀諸勝均未暇遊一路鷗鳥依人荈苳交織頗愜幽抱塵心一靜不半里瞥見湖水注下如建瓴一陡自爲蒼洩聲澎湃如瀑布若作當頭棒喝者心震盪不足遊者至拱北橋關聖祠登陸而歸湖隄三隄橋六曲曲相連屬東坡以爲不讓杭之明聖洵然湖有魚鱉菱芡之利故舊名豐湖云

韓江合汀贛嘉諸水匯於三河壩合產溪九河鳳水過鳳樓峽經鱷溪爲韓江至鳳凰洲舊志分三支入

海茲就現在言之先分一支從饒平澄海界抵東隴入海其一支抵澄海蛋家園前後分五六支入海江在郡城東出東門不數武鎖以長橋橋創於宋曰濟川修於明曰廣濟橋今仍之舊有大石碼鑄洪水止此四字相傳爲韓湘子筆俗又名湘子橋案昌黎集有左遷至藍關示姪孫湘一律又有宿曾江口示姪孫湘二首湘從昌黎來粵確有可證來潮與否則事未可知時遠失真流俗好怪輒以神仙目之指爲遺蹟誕矣至西陽雜俎青瑣高議諸書以湘爲公姪則誤於外集徐州贈族姪一詩更不足辨矣橋案石爲墩二十有三覆以亭屋浮舟三十有四袤廣二丈長一百八十丈有奇橋上貿易極夥俗云到潮不到橋空到潮州走一遭橋之下有意溪舊名惡溪又曰鱷溪在海陽縣東五里每當江水漲溢海中鱷魚逆水而上據營窟爲卵育所昌黎驅鱷卽此處或謂陳文惠公通判潮州宋咸平間戮鱷烹之亦卽此處則非也文惠所戮之鱷在郡城北上流之留隍府志有戮鱷文在韓江出郡城十里曰鮑浦在牛田洋口有巡檢司之西南受揭陽南北二溪水東南通海多魚蛤之利窮民利賴官商自輪船之創興三十年來來往便利航海來潮者道必經此巡檢現遷駐汕頭海口汕頭距鮑浦八里議海防者以此爲最要云

辛未冬余隨任由靈川之賀舟過桂林將泊岸瞥見一山有石懸空下狀若浮柱去地者一綫余奇之詢舟子舟子曰是名伏波山若柱與地合是科必出狀頭後考通志云昔有人名揭諦者試劍於此狀頭之驗不載志想土人神其說歟入城至府學前有榕樹門卽古南門相傳唐時築城植榕一株歲久根跨門外盤錯至地若天成焉元至正間忽憐平章也兒吉泥祭之復茂明洪武八年展南城凡舊基皆毀而此門獨存上祀漢壽亭侯有亭正德間御史張越題爲虛奎樓嘉靖初御史謝汝儀改名仰高今土人仍稱爲榕樹門西省有榕城之名而此稱最東門內爲靖江王府第元時以順帝潛邸建萬壽殿明洪武三年改藩邸第在府治東洪武五年建二十六年復命指揮同知徐溥工部主事戈韓毛知理督修城一座周

若干丈闢四門南曰端禮北曰廣智東曰體仁西曰遵義外繚以垣各爲櫺星門今改其地爲貢院城仍舊土人稱王城城中獨秀峰高百餘丈萬山朝拱此爲獨秀卽其前設貢院形家謂貴顯者必奇特洵然出東門至酒壺山有雷酒人墓桂林布衣雷亮功國初入身歷滄桑逃名於酒易簪時屬家人葬壺山側署雷酒人碣於上酒人著有海田錄一卷紀桂林兵燹事甚詳嗚呼此勝國遺老也余過其墓恨不攜杯酒澆之壬申春遊賀之三乘寺寺在縣治東宋德祐間建雍正三年袁膺善重修寺宇數楹均朽敗惟存南漢銅鐘款文拓出完善可寶西省古蹟最夥就余所歷記之

廣州古蹟亦夥寶宇記周時南海有五仙人衣五色衣騎五色羊來集楚庭各手穀穗一莖六出與土人曰願此園闢永無荒饑言畢騰空去羊化爲石城遂以名後人卽其地爲祠曰五仙觀觀舊在番禺十賢坊今在坡山五仙皆古衣冠階下石羊五有一巨石廣可四五丈上有拇蹟蹟中碧水瑩然雖旱不竭似有泉眼在下信乎爲仙蹟矣南越時有越王臺在越秀山北有歌舞岡岡側有井今岡無可指臺亦不復存惟井依然城西北隅有光孝寺卽孫吳時虞翻故苑本尉佗元孫建德故宅仲翔謫南海居此廢其宅爲苑園多植蘋婆苡子時人稱爲虞苑又曰苡林後人以翻未召還遂謂翻卒於廣則殊失實夫仲翔居廣而再謫蒼梧東坡居惠而再謫海南骨體不媚古今同慨而坡竟北還則有幸有不幸耳猛陵遐邇傷如之何宅後施爲寺自東晉迄梁武以及唐宋間無不封勅故歷代稱大刹其古蹟見存者有睡佛閣唐神龍間建瘞髮塔唐儀鳳間建又有南漢二鐵塔其在東者大寶十年丁卯歲造在西者大寶六年癸亥歲造東塔雕刻盤龍西者惟寶蓮花而高相等兩塔銘均存目此書金石內城西別有二塔一梁建一唐建梁建者俗名花塔在朝天街六榕寺大同三年刺史蕭壽爲曇裕法師建其形八方凡九級高二百七十尺上有銅柱柱上金寶珠一以銅周迴爲圍一級一圍皆爲銅鍊護之塔下有魯班像一手遮目仰視

塔所視處常爲雷震去凡數十葺之皆然唐高宗時重修宋端拱中改寺名淨慧寺塔後毀元祐間郡人林修建復爲千佛塔古井九環列基外有巨鼎藏劍二鏡一瘞佛牙於其下卽紹聖中東坡顏之曰六榕者也唐建者俗稱光塔在懷聖寺唐時番壘所建高十六丈五尺其形圓輪困直上至肩膊而小四周無凭欄無層級頂上舊有金雞隨風南北明洪武二十年金雞爲颶風所墮乃易以風磨銅成化四年都御史韓雍重修花塔光塔爲一城之標形勝家謂會城如大舶二塔其櫓五層樓其舵樓云唐清海樓在藩署前今改拱北樓其地本番禺二山之交劉襲削平之疊石建雙闕其上宋經略司馬級重建改雙闕爲雙門俗稱雙門底元季毀明洪武七年重建樓東偏有銅壺刻漏元延祐間宣慰司陳用和造軋級累置其上下焉者高六尺餘三者遞減一尺圍俱視所高而殺時辰籌樹小壺中有銅尺衡壺面遇某時則某字浮尺間數百年來依然可用南漢劉氏據粵肆爲奢侈故古蹟存者尤夥在城內者光孝寺既有二鐵塔藩署前有雙闕又古甕城西有仙湖亦曰西湖襲所鑿也其水北接文溪東連沙澳與藥洲爲一長百餘丈歲久淤塞宋經略陳峴少疏濬之輦輿故苑奇石置其旁多植白蓮因易名曰白蓮池而湖亡矣惟東偏今爲仙湖遺里焉學署環碧園爲南漢藥洲故址有九曜石志稱劉襲移太湖靈壁浮海至者石凡九高八九尺或丈餘崕兀玲瓏上多宋人銘余見者僅二石惜不能得搨本在城外者有荔支灣距城西五六里相傳爲南漢昌華故苑松檜之外雜植荔枝費補之謂凡宰土木松檜必間以荔枝坡詩所以有雲山得伴松檜老語也夏日泊畫舫綠陰下枝葉陰覆渺不知人世間有歔蒸氣故宮卅六離臺草荒煙而夕陽明滅中猶想見當日紅雲宴也又西十里有花田在焉爲南漢葬宮人處名園畫舫選勝之所其間花最繁盛素馨茉莉一種尤爲他處所罕見綠雪芬鋪望之彌畝城中童姥課花作生涯者多取給是焉日沈燈上雲破月來市巷中陳設幾遍澹紅香白菴靄衣香人影間花事之盛是足紀矣鎮海樓本明

洪武初永嘉侯朱亮祖建在城北越秀山左一名望海凡五層高八丈俗稱五層樓矗立雲表山川形勝一覽無餘俯瞰蒼溟仰接霄漢誠鉅觀也郡城隍廟在藩司東亦明洪武年建地宏敞至藩署鹿最夥雍正乾隆間卽有鹿糧廣郡樓中蝙蝠撫署中堂側有茵陳木土人稱爲福祿壽河南海幢寺本郭家園故址後建寺有鷹爪蘭乃郭家舊植人比之爲優曇鉢花聞南海神廟古蹟最夥白雲山麓有明女子張喬百花冢余均未得遊每一念之不禁心忤悸動也

惠州府署本隋循州總管府舊址明洪武元年知府萬迪始建爲府○國朝屢修之署東有陳文惠祠供文惠像東坡食荔支詩序云惠州太守東堂祠故相陳文惠公堂下有公手植荔支郡人謂之將軍樹今其故蹟渺不可尋祠左有野吏亭亦文惠於咸平初建皇祐中黃守仲通葺之刻詩於石今碑在亭右亭高數十級歲久傾圯家大人戊寅守惠葺之增高一層左望東江右望西湖恍登楚王臺遂顏其亭之南面曰左江右湖又北望羅浮隱隱若在帆際欲顏其北面曰羅浮飛到而未果署之大堂曰默化室本宋蘇東坡書伊墨卿太守所摹刻東坡寓惠四年其故事甚夥余所遊者西湖旁有六如亭東坡侍妾朝雲姓王氏年十二侍先生二十一生子遁未過而殤東坡之謫歟姬皆去惟朝雲隨侍南來年三十四歿而葬此葬後覆之以亭額曰六如坡詩彈指三生斷後緣其亦有以續之邪又有棲禪寺曾爲東坡所遊詩曰平湖春草合步至棲禪寺是也湖橋六先生出犀帶修其一東江左東坡故居在白鶴峰上又有東坡井宋紹興二年虔寇謝達陷惠州焚官舍無遺備留東坡故居致奠而去中祀東坡其側祀東坡隨南之子叔黨別一楹祀朝雲東江右有合江樓卽郡城合江門上東坡嘗寓此今亦祀東坡誠哉惠州圖經曰吾鄉以東坡重也而潮州則以昌黎重其祀昌黎者有二一在河東韓山之麓下爲韓山書院宋咸平中陳堯佐所立一在城之西南面方塘半里許後爲城南書院元祐間王滌所立其間沿革不一志載郭子

章韓祠沿革錄甚詳昌黎居潮七閱月其故事半在韓山半在城南其在韓山者有韓木郡人卜科名於此祠內有公手書鸚鵡碑志載雍正年間知府龍爲霖得公手書右丞白鸚鵡賦於廣州故家以重價購歸勒諸石置祠東壁字兼行草徑四五寸遒勁生動結構緊嚴書家稱爲米芾所祖旁有翁覃溪先生釋文然下款僅退之二字昌黎又不以書名其真僞不敢臆斷衛中立字退之服金石而死後人乃以衛諡韓則以白太傳有退之服疏黃句誤之也其在城南者旁有叩齒庵昌黎招大顛至此又有趙天水先生祠相傳與天水讀書處此皆誤以公集中符讀書城南詩爲在潮也城北金山傳有公題名碑亦渺不可得中存摧鋒寨正將馬發墓合家殉難同葬金山有碑據志載馬公祠記云至元十二年乙亥宋已內附惟潮郡僻在海隅大兵壓境守令逃竄馬公以若將攝州事嬰城堅守屢戰屢捷後至事不可爲乃令妻妾先縊自服燭死時十五年戊寅三月一日也記爲元周伯琦作甚長今節錄之分巡道行署舊在金山前保善坊康熙二十年辛酉僉事尙崇忠移西南隅之名賢坊權駐前明黃尙書別墅有西園園有蓮池北爲神祠與思政堂對時中隔一橋蓮舊北白南紅蔣蘄堂先生詩云蓮開白間紅是也今則白蓮無存擬覓種植之園多奇石有翁覃溪先生諸石刻旁多蕉竹夏日坐其中頗有幽趣府署亦舊枕金山明洪武始移新街頭之北更建譙樓鎮海樓三字巴陵方公應元所名署內有寶雲樓康熙年李鍾麟建與此樓對峙歲久傾圯家大人守潮州時重修之有記郡城寺之古者爲開元寺寺在城內甘露坊創於有唐興廢不一相傳羅浮行僧密因來此開堂說法其徒靜會嗣爲主席戒律森嚴四方衲子雲集清規始肅廟極宏壯後有藏經閣余因輯釋藏目錄輔行記二書焉

兩粵市謂之墟言滿時少虛時多也北人謂之八八字見說文音集每人則百貨俱陳四遠競湊大至騾馬牛羊奴婢小至斗粟尺布必於其日聚焉謂之趕八兩粵則謂之趕墟且多婦人爲市西省靈川三日小方壺齋題也叢沙

一墟至則蟻屯去則鳥散其地荒僻米薪諸物全賴墟期徧買之以儲三日糧兩粵屋居大率西省多僉東省多華桂林居民壘土塹爲牆架宇其上全不施柱或以竹仰覆爲瓦或但織竹笆兩重任其漏滴四壁不加塗泥夜間焚膏光四出故有一家點火十家光之語賀邑近東省則有雕梁畫棟與象郡迥不侔矣至潮俗家有千金必構書齋文槐藻桷綴以池臺竹樹民居輒用蜃灰和沙土築牆謂之三和土地亦如之其堅如石卽遇颶風烈火牆垣亦無坍塌兩粵飲食嗜好不同食檳榔多同客至不設茶禮以檳榔其法以水調蜆灰一銖許於羹菜上裹檳榔咀嚼先吐赤水後啖其餘汁少焉面潮紅詩人有醉檳榔之句無蜆灰處用石灰無羹菜處用羹藤廣州又加丁香桂花三賴子諸香藥謂之香藥檳榔廣州尤甚不拘貧富長幼男女自朝至暮惟嗜檳榔前人有詩云妾家谿口小迴塘茅屋藤扉螭粉牆記取榕陰最深處閒時來坐喫檳榔覺嶺南風景如畫西省用鍋燉菜享客無論何菜皆羹此鍋罄則添謂之買添鍋亦名買田鍋言添之不已費必破產日食萬錢之奢中人十家之費可不戒歟鍋以泥成火鑪置桌上果有洞受火鑪與外省銅火鍋異佛山鎮昔有警者創制小餅人喜食之今謂之盲公餅東省市酒食者必於高樓故入市酒食謂之上高樓高樓買醉食單烹黃鱸田雞名龍虎鬪名甚奇至西省謂晚食爲消夜二字頗雅花中夜來香西省人取以入饌風味亦清美餐菊外可添一詩料也薰鼠蝙蝠皆可充饌東坡在儋州已見詩桂林鷓鴣作羹與夜來香作饌均甚韻粵俗食魚生以鱸以鯽以鱮以黃魚以青鱈以雪蛤以白鮑尤以鱮與嘉魚爲上以初出水潑刺者去其皮劍洗其血絰細創之爲片紅肌白理輕可吹起薄如蟬翼兩兩相比沃以老醪和以椒芷入口冰融至甘且美廣人喜以生魚享客小菜碟數色不同樣謂之喫魚生喫餘卽以生魚羹粥謂之魚生粥諺云冬至魚生是也屈大均云凡有鱗之魚喜游水上陽類也冬至一陽生生食之助陽也然調和之物惟潮州與嘉應所屬皆用醋廣州及各郡皆少用醋多用